

مر طيفج بوسط العين      يا يمه يزهي بالنور  
وصوتج ينوح اعلى حسين      ويذكر مصايب عاشور

\* \* \* \*

يا يمه صوت امن الكبر      يصدح مناحه وأشجان  
وناته تـذوي بمسمعي      يرثي الغريب العطشان  
والمكبره متوشحه      ولبست سراويل أحزان  
ماتم نواعي ومنبره      كبرج يكهف الوجدان

نويني منج لونين      حسره وفؤادي موجور  
كل الحزن هذا منين      يلهب في كلبج ويمور

\* \* \* \*

جاني الجواب من الألم      عاين يروحي لهلال  
أذن أذان الفاجعه      ودمعه على الخد سيال  
هلّ المحرم والأسى      غير في عيني الأحوال  
صار الكبر ماتم عزا      يندب على امصاب الآل

رغم الفنى ورغم البين      ورغم الليالي ولدهور  
ما تظفي ذكره لسنين      باغي ويضوي الديجور

حسرة على اللي بالثرى  
ضامي الحشاشه ما ارتوى  
وبصدره طفله مرتمي  
وحوله البدور الساطعه  
ظل مرمي ويّ الأحباب  
والدم لشيياته اخصاب  
وفي نحره نابت نشاب  
متوسده أبحر لتراب

وربي يساعدا ويعين  
مجتوفه منها الإيدین  
زينب ريبة لخدور  
فوك الهزيله بلاكور

\* \* \* \*

يوليدي هاي وصيبي  
منك ردت تحفة سفر  
قبضة من أتراب السبط  
يم خدي خلها اوساده لي  
لمن تزوره مشاي  
تزرعها في الكبر اوياي  
بيها أكحل عينااي  
تروي غليلي وضماي

أتلقت اشمال ايمين  
بين الصفايح والطين  
ومشتاگه اسافر وآ زور  
جسمي يحسره مأسور